

堵氣

成時

你會有想翻个感覺

可能係吞仔袒多

有毒个情緒

嘎過拚命塞還較多入去

(客家諺語有云：自家發癩，跣人堵氣。)

有名無實

以愛个名義

佢摻你困在熱天个大雨裡肚

有兜仔感情係用好天換來个

你佬著這係規則

佢嘎自家撐等遮仔行遠

背影分雨淹沒

故所你摻自家講

厥个背影有所謂个

悲傷同高不而將

以愛个名義

你摻你困在熱天个大雨裡肚

好得天時已好

講好

這隻落雨个暗晡

係盡後一擺嗽眇

從今以後

佢會上上無防水个睫毛膏

沙鼻過風神个行在路項

當像毋知受傷个感覺

有幾痛

道

教俚行路

你講哪位光亮像日頭花

就拚命接近

自家嗰一路緊跌倒

跌做路脣个爛膏泥

你講這正係春夏秋冬个道理

你喊俚看好路

繼續進前

回頭看

來時个路脣

滄滄都係彩色个花

便利商店

1.

毋記得帶遮仔

乜已好

做得順續

去攞一手酒

2.

中意个牌仔

又出新酒

看毋識係麼个口味

啱仔會醉就好

3.

玻璃門外背

來來去去个該兜

逐隻俚都當做係你

4.

這麵條還有一息仔硬

醬袒鹹

錢既經領毋出來吔

愛命罔吞